

## WEEK 32 - HERHALINGS VAN BERIGTE/INLIGTING IN 'N VORIGE VRYPOS

### SINODALE NUUS

#### Taakspan: Vrouebediening NGKVS: 'n Spesiale bederf-projek:

Die nood is groot weens die erge droogtetoestande en verskeie aksies word reeds geloods en droogtehulp aangebied vir boere in hierdie gebiede. Die Taakspan: Vrouebediening van Sinode Vrystaat het 'n inisiatief geloods om vir die boervroue in die Noord-Kaap bederf-skoenbokse op te maak om hulle ook spesiaal te laat voel. Hulle wil die vroue sodoende ondersteun en bederf, aangesien hulle eie welstand nie iets is wat meer aandag geniet nie. Die inhoud van 'n bederfpakkie vir ongeveer R250 moet binne in 'n skoensok pas. Dit kan verskeie items insluit, waarvan die volgende goeie riglyne is:

- ✂ Een of twee pare nuwe sokkies, lipstiffie, maskara, of 'n mooi serpie
- ✂ Hande/lyfroom, aanrol/deodorant
- ✂ Haarsjampoe en opknapper, *tissues*, tandepasta, tandeborsel, *Vaseline*
- ✂ *Body wash*, koekies seep, waslappie, skeermessies
- ✂ Tydskrif, geestelike dagboek, penne en potlode
- ✂ Pleisters, Panado's, watte
- ✂ Jellie- of suiglekkers, suiker, tee en koffie (*cappuchino* stokkies), koekies (moet net nie saam met seep verpak nie, draai afsonderlik toe)
- ✂ Kombuisvadoek/afdroogdoek
- ✂ Vuurhoutjies
- ✂ Sit ook gerus 'n bemoedigende briefie daarby, met jou naam (as jy wil) én 'n teksvers en draai dit mooi toe. Sommige persone draai hul bokse met koerant- of bruinpapier toe en sit 'n mooi strik om.


'n Boervrou het die volgende voorstelle gemaak: 'n voetskuurder; voetpoeier/voetroom; handerom; lip ice/*vaseline*; deodorant; muffin mix, jellie en vla, *cappacino*; badsout; naelvyl; gummy bears.



**NB!** Bederf-bokse of pakkies moet die Sinodale Kantoor vóór Vrydag 15 November 2019 bereik, waarna dit betyds vir Kersfees na dorpe in die Noord-Kaap versprei sal word. Dit kan by Thea Bosman by die Sinodale Kantoor in Bloemfontein, te Van Heerdenweg 20, Wilgehof, besorg word - die kantoor is langs Engo (Westerbloem, ens) se hoofingang geleë, k/u Ma-Vr 08:00-16:00). **Vir meer inligting, kontak gerus vir Béneli Pretorius (voorsitter Vrouebediening), op 082 648 0653, of stuur e-pos aan [benelipretorius@gmail.com](mailto:benelipretorius@gmail.com)**

✂ Lees gerus [hier](#) 'n hartverskeurende storie van 'n Karoo-vrou wat só 'n skoensok ontvang het...

**Toerustingsgeleentheid Februarie 2020:** Ons herinner aan hierdie gewilde kamp wat tydens die **naweek van 14 - 16 Februarie 2019** by Amanzi naby Brandfort, plaasvind. Die **spreker** tydens dié geleentheid is **dr Frederick Marais** wat aan die Communitas Netwerk verbonde is. **Let wel, die besprekings vir hierdie geleentheid sluit nou op Maandag 4 November 2019.** Klik [hier](#) vir die inskrywingsvorm - **NB! Alvorens julle enige gelde inbetaal, moet julle eers vir Marietjie van der Merwe op 076 113 9601 kontak om seker te maak van die beskikbaarheid van akkommodasie. Plekke is beperk, bespreek só spoedig moontlik.** Die bespreking kan bevestig word met die betaling van 'n 50% deposito nadat julle eers met Marietjie bevestig het - **die uitstaande bedrag moet teen die einde van Desember 2019 betaal wees.**



**Let wel: Dagbesoekers** wat Saterdag en Sondag se verrigtinge wil bywoon (nie oorslaap nie), betaal R450pp en diegene wat slegs Saterdag se verrigtinge wil bywoon, betaal R225pp. Kontak asseblief vir Marietjie van der Merwe op 076 113 9601 in dié verband.

## ALGEMEEN

**Jaarboek 2020 Bestelvorm:** Die Jaarboek van die NG Kerke 2020, verskaf al langer as 160 jaar belangrike inligting oor die NG Kerkfamilie aan predikante, kerkkantore en lidmate. **NB!** Gemeentes/belangstellendes moet asseblief kennis neem dat julle sêlf verantwoordelik is om Jaarboek 2020 by Bybel-Media Handel te bestel - klik [hier](#) vir die bestelvorm.

## GEMEENTENUUS

**NG Rietfontein (Winburg):** Neem ook solank kennis van die Hengelkompetisie met kontakbesonderhede op biljet regs, wat op **Saterdag 7 Desember 2019** aangebied gaan word - gereelde hengelaars kan gerus kennis neem.



## OPLEIDINGSGELEENTHEDE

**Pastorale Beradingskursus rakende die area van selfvergifnis - Saterdag 16 November 2019:** Hierdie kursus word deur die bekende prof Wentzel Coetzer in Potchefstroom aangebied - klik [hier](#) vir al die besonderhede.



**Werkswinkel - Hoop vir Kinders (Laerskool EE3):** Hierdie opwindende fasiliteerdersprogram word gedurende die Desemberavakansie in Petrusburg aangebied. Klik [hier](#) vir meer besonderhede en inskrywingsvorm.

**Preek Laboratorium 2020:** As jy al ooit gewonder het hoe jy 'n groter verskil deur jou prediking kan maak, is die Preek Laboratorium net die regte ding om na te

kyk. Volgens dr Floris Knouws (fasiliteerder van die preeklab), is die fokus in hierdie kursus op persoonlike vorming en op maniere (die metodes "transformational learning"), wat jou help om inligting oor effektiewe prediking op die vlak van jou eie menswees te deurdink, te verwerk en te bemeester. Daarom is dit volgens hom 'n proses wat jou sal help:

- om nuut te dink oor jouself as prediker,
- om jou eie, persoonlike styl van prediking te verryk en meer veelsydig te maak, en
- om jou in te lei in die vaardighede wat dit moontlik maak om met groter impak te preek.

Vorige kursusgangers het (op hul evalueringsvorms) die volgende oor die preeklab te sê gehad:

*"Dit het my gehelp om buite die boks te dink oor prediking... en nuwe hoop in my ontvlam."*

*"Die kursus was vol nuwe insigte, beginsels en tegnieke wat ek kan gebruik."*

*"Afwisseling in aanbiedingstyl het my deurentyd ingetrek en bygehou."*

*"Die preeklaboratorium was vir my as mens baie verrykend. Dit het my nader gebring aan God en aan my eie storie. Ek het in die proses ook ontdek watter blokkasies daar in my persoonlike groei en geestelike groeiproses bestaan."*

*"Die waardevolste kursus wat ek in baie jare bygewoon het."*

Die **Preek Laboratorium word oor ses dae (4 & 5 Maart, 6 & 7 Mei en 8 & 9 Julie 2020) aangebied** by Coram Deo Sentrum, Lucasstraat 37 in Risiville, Vereeniging. Die kursus kos R1500 per persoon (middagetes ingesluit) en is geregistreer vir 58 x VBO punte. Vir meer inligting, kontak dr Floris Knouws op 082 927 2575, of by [fknouws@gmail.com](mailto:fknouws@gmail.com), of jy kan gaan loer by <http://www.coramdeong.com/preeklaboratorium.html>

